

# ANTONII

MIZALDI MONLVCIANI

*Planetæ, siue Planetarum  
Collegium.*

Ad Antonium Minardum in supremo Senatu  
Parisiensi Præsidentem æquissimum.



PARISIIS,

*Apud Carolam Cuillard, sub sole aureo, via ad diuum Iacobum.*

M. D. LIII.

CVM PRIVILEGIO REGIS.

Μεταφραζόμενος.

Semine cœlesti sata mens, cœlestia quærit  
Semina: terrenum rite perosa solum.  
Scilicet hinc miro cœlorum fertur amore:  
Et quoties lædunt infima, summa petit.

*Superata tellus  
sidera donat.*



Ob. 6. h. 3319

# ORNATISSIMO VIRO

Antonio Minardo, in supremo

Parisiensi Senatu Præsidi

inculpatissimo, Anto-

nus Mizaldus

Monlucianus.

S. P. D.



NAXAGORAS Clazome-

nus philosophus, non modò

generis gloria & opibus

(quemadmodũ scribit Plu-

tarchus) verũ, animi ma-

gnitudine clarissimus, & rerum mundana-

rum, suarũque aspernator cõstantissimus,

cuiuspiam exprobranti quòd patriæ ei nulla cu-

ra esset, respondiisse fertur, imò mihi patriæ

cura, & quidẽ summa est: digito cælum ostẽ-

dens, ac illud patriã cuiusque natalem verè,

& certò esse, indicans: *Quod ἀπόφθευμα cũ*

*olim* (anno scilicet ab hinc quinto plũs mi-

nũs) ad aureis vsque meas venisset, pretium

*A ij* opera



operæ facturum me, illico admonuit, si cælo-  
rum cōmunis animorum nostrorum patriæ,  
curam aliquā præ me ferrē: hoc est, pro mea  
tenuitate cum præclaris viris multis, illorum  
& corporū quæ circūferunt diuinitatem ex-  
plicare, maiestatem prædicare, naturā ac vi-  
res ostēdere, & (vt paucis multa dicā) quid-  
quid habēt vtcūq; illustrare satagerem. Quā  
cogitationem si minius in rem pro dignitate  
conferre potui, volui saltem ac diligenter stu-  
dii. Nam libellis aliquot hætenus præcipi-  
tatis à me, veriùs quàm elaboratis, quid quid  
id est præstare pro mea virili sum adnixus.  
Quàm fæliciter, iudicabit χέρονος (vt est a-  
pud Pindarum) πάντων πατήρ. Verū enimue-  
rò, cū sollicitè in ea cura totus essem: &  
medicis studiis, veterum exemplo, cælestia  
miscerem: ecce, in mentem mihi peropportu-  
nè venit, alterius patriæ cogitatio ac recorda-  
tio: eius (inquam) quæ vagitus meos excepit,  
meam infantiam pertulit, meā balbutiem au-  
diuit, & corpusculum meū sympathia qua-  
dam



*dam cum superiori patria, fouit ac educauit. Hæc itaque, quia fumum suum (sicuti eleganter scripsit Lucianus in encomio patriæ) luculentiores habere solet quouis igni alieno: quia ortus nostri partem sibi vendicat: & (vt verè dixit Naso)*

*nescio qua dulcedine cunctos*

*Ducit: & immemores non finit esse sui:*

*eam ob rem hîc curam secundariam, & pietatem alteram, suo quodã merito à me exigat: Te vnum, Præses inculpatissime, non absque delectu & summo iudicio, de omnibus proferēs, qui eius vicariũ hîc agas. Nec temere, mea quidem sententia: nam inter illius alũnos omneis, non secus emines, ac illustris haberis, quàm Phæbus inter Planetas. De quibus pro mea mediocritate fusissimè sum philosophaturus toto hoc libello. Quem, qualis qualis est (diuinus sanè, quia septem diuina corpora describit, quæ vitã & lucem rebus omnibus inferioribus quotannis ex alto spirant) tibi patriæ splendori, & Borboniorũ no*

*A iij strorũ*

strorum longè, lateque radianti sideri sacrare  
ac deuouere, non inconsultum mihi omnino  
consilium fuit. Scio quantis me tibi meritis  
obstrinxeris, quantis honoribus me dignatus  
fueris, & quàm insigni humanitate me sem-  
per exceperis. Vnde ingratus nimium dice-  
rer, si gratiam aliquam, aut saltem pro gratia  
memoriam qualemcunque palam non ex-  
hiberem. Fuit certè eam ob causam, multis  
de me, varia & frequens admiratio: præ-  
sertim quòd eximium istum tuum erga me  
cãdorem, vel scriptis meis nullo modo agno-  
scerem. Nec defuerunt, qui silentio meo tam  
diturno, inflato irascerentur stomacho: at-  
que hoc ipsum vitio verterent: quum animã-  
tes pleræque rationis expertes, ab huiusce-  
modi (vt dicebant) ingratitude nota ma-  
ximè abhorreant. Addebant, quòd vtri-  
que communis est patria: cuius flos & spe-  
cimen summo censeris iure: cum ob multa,  
tum quòd vita, moribus, eruditione, integri-  
tate, virtutibus, pietate ac humanitate apud  
omnes

*omnes insignis ac illustris haberis . Fuitiles a-*  
*lias vulgi gloriolas , quæ non plus te mouent,*  
*ac transuersum agunt, vt scripsit ille,*  
*Quam lippum pictæ tabulæ, fomenta podagram,*  
*Auriculas cytharæ collecta sorde dolentes,*  
*prudens & sciens omitto: nō ignarus te mul-*  
*tò libentius laudanda facere , quàm audire.*  
*Sed occupatiões tuas interpellare cesso. Hac*  
*itaque sunt Præsides integerrime, quæ me sub-*  
*inuitarunt vt lucubrationculam hanc Pla-*  
*netologicam , in tuo nomine emitterem. Ex*  
*qua nihil aliud polliceri tibi debes, quàm sū-*  
*mè propensum tui Mizaldi erga te animum*  
*ac studium . Quod ad nominis immortalitatem*  
*attinet , magis ex te , & virtutibus*  
*tuis , quàm ex tenui hoc opusculo, tibi iādū*  
*partam ac comparatam esse certò scio. Bene*  
*vale, Præsides inculpatissimè, ac me, vt facis, a-*  
*mare perge. Lutetia, quarto Non. Februarij.*

I 5 5 3.

A iij Ride



Ride Epicure Deū: gere nescia pectora fati:

Finge nihil cœli significare faces.

Crede mihi, quando venies ad tartara Ditis,

Hîc tua quod plectat scômata, Numẽ erit.

ANTONII MIZALDI MON-

luciani *Planeta*, hac in

*summa habent.*

**T**otus liber versatur in Planetarum descriptione, situ, orbibus, vi, motu, natura, qualitatibus, exortu, occasu, passionib<sup>9</sup> (vt loquūtur) tam essentialibus, quàm accidentalibus, & aliis huius plumæ. Habet præterea, eorundem Planetarum radiatiões, aspectus, ac magnitudines. Adhæc, corporis partes & spiritus, quibus illi præsunt: necnō colores, quos familiariter agnoscunt: ac mutuas amicitias & inimicitias quas inuicem exercent: cum studiis & moribus quos excitant: vbi genesis alicuius dominatores fuerint, non impediti.

Huius præcipua, summæque capita hac digeruntur serie.

**P**roœmiolum, in quo, cum breuissima propositione, inuocationi datur locus.

Planetarum vt in cœlo resident descriptio, & nomenclatura.

Planetarum orbis, & eorundem dispositio, sicuti hodie in cœlo habetur.

Orbium Planetarum θεωρία breuissima.

Planetarum motum in propriis orbib<sup>9</sup>, motui supremi cœli esse contrarium, & aduersum: hoc est ab occasu, per meridiem ferri ad exortum.

Planetarum motus medij.

Planetarum motus veri.

Planeta quiuis quot annis proprio motu suâ peragracionem, & curriculum in Zodiaco absoluat.

Planetas

*SVMMA OP VSCVLI*

Planetas per Zodiacum nunc celeri motu ferri,  
nunc tardo, nunc inter vtrunque medio.

Planetas quandoque progredi, alias regredi: nunc  
in Austrum, modò in Boream.

Planetæ masculini & fœminini.

Planetæ fœlices & infœlices.

Planetæ orientales & matutini.

Planetæ occidentales & vespertini.

Planetæ diurni & nocturni.

Saturni qualitates, elementum ac humor.

Iouis qualitates &c.

Martis qualitates, &c.

Martem conuenire cum Sole, & à Venere frenari.

Adhæc quòd omnes Planetæ, Soli coniuncti,  
debiles, præter Martem, euadant.

De Sole, eiúsque numine ac energiea: & quid de-  
orsum operetur.

Solem esse causam potissimã generationis & cor-  
ruptionis terræ nascentium.

Solem vnicum & solùm de omnibus Planetis, per  
eclipticam perpetuò incedere, ac nunquam ab  
ea deuiare: illincque (motu cœli) omnia mun-  
di climata, tam fursum, quàm deorsum, lustra-  
re, ac illustrare.

Solem interdum terræ proximum esse, nonnun-  
quam remotum. Adhæc, Signiferum inæquali-  
ter peragere.

De Venere, eiúsque natura: & quod Solem quan-  
doque præcedat, quandoque verò sequatur.

Venerẽ Solis & Lunæ æmulam, quandoq; radios  
cum luce perspicua iaculari, ac vmbra facere.

Veneri



## PLANETARVM.

Veneris qualitates, humor & elementum.

De Mercurio, eiúsque natura, gressu, ac statu: & quòd Solis sit affecla, vespertinus quãdoque, nonnunquam matutinus.

Mercurium quandoque septentrionalem esse, & nonnunquam meridionalẽ: adhæc, cursum velocissimum habere: ex quo poëtis Deorũ nuntius censetur: cum bonis bonus, cū malis malus.

De Luna, eiúsq; schematismis, lumine, ac natura.

Lunam non posse videri cū est sub radiis Solis: & q̃ variis figuris ac lumine mortales deludat.

Lunam ex se non lucere, & semper mediam illustrari.

Lunæ motum quandoque tardum esse, quandoque velocem. Adhæc, quòd meridionalis nonnunquam, ac septentrionalis fiat: sed ita, vt extra Zodiaci latitudinem feratur nusquam.

Lunæ cur proprium lumen tributum non sit: vbi de eius maculis & opacitate.

Lunæ eclipsis, & quòd bis illam vno mense pati possit, non item Sol; vbi de prognosticis solaris eclipsis nonnulla.

Lunæ octo & viginti mansiones seu peragrationes, ad præuidendas aeris cōmotiones summo opere necessarię, ex secundo libro nostri Zodiaci petendæ sunt.

A Luna, maris fluxum & refluxum pendere.

Per incrementa & decrementa lunaris luminis, inferiora hæc moueri, ac mutationes subire.

Caput & cauda Draconis Lunæ.

Planetarum domus.

Planetarũ

- Planetarum exaltationes & depreſiones.
- Planetarum gaudia.
- Planetarum, vti etiam ſtellarum reliquarum longitudo, & latitudo.
- Planetarum, necnon ſtellarum declinatio, & ſub-leuatio.
- Planetarum, ac ſtellarum orbes luminareſ, ex quibus combuſtio, oppreſſio, & ad coniunctionē applicatio.
- Planeta regrediens, directus, ac ſtationarius.
- Planeta ſeptentrionalis, meridionalis, aſcendens, & deſcendens.
- Planeta auctus lumine, & diminutus.
- Planeta propinquus, & remotus.
- Planeta obſeſſus.
- Planeta curſu vacuus.
- Planeta peregrinus.
- Planeta tardus & velox.
- Planeta feralis, vt loquuntur.
- Planeta combuſtus.
- Admonitio in ſuperiora.
- Planetarum, vti etiam ſtellarum aliarum, exortus triplex.
- Cosmicus exortus.
- Acronychus exortus, ſeu, vt vulgò loquuntur, chronicus.
- Heliacus exortus.
- Planetarum, vti etiam ſtellarum aliarum, occaſus triplex.
- Cosmicus occaſus.
- Acronychus occaſus.

Heliacus

## PLANETARVM.

Heliacus occasus.

Admonitio in iam dictos exortus & occasus.

Planetæ cur non scintillent, vt stellæ.

Planetas, ac stellas reliquas, elementa mutare: & cum illis corpora inferiora.

Planetarum & stellarum aspectus, quid dicatur.

Aspectus hexagonus, siue sexangularis, aut sextilis, cum eius natura & ratione.

Aspectus triangularis, siue (vt loquuntur) trinus.

Aspectus quadrāgularis, tetragonus, & quadratus.

Aspectus oppositus, seu oppositio stellarum.

Coniunctio Planetarum, & stellarum aliarum.

Admonitio in iam dicta.

Planetarum, vti etiam stellarum aliarum, magnitudines varias esse, & cur tam paruo corpore spectentur.

Planetas quosdam, aliis contrarios esse: quod etiā in reliquis stellis locum habet: ad rerum mundi contemperationem.

Planetas, vti etiam stellas, formis, luce, & corpore inter se differre: quanquam eiusdem sint (vt ita loquar) materiæ: sed quæ nullam corruptionem agnoscat.

Planetas, vti etiam reliquas stellas, sub variis coloribus deorsum apparere: & quòd secundum nonnullos, à Sole luceant, ac splendeant.

Aliter de Planetarū colorib': quos rebus inferiorib', nedū solis nubib' appingere plerūq; solēt.

Planetæ quibus humanorum corporum spiritus tribuuntur.

Planetæ quibus humanorum corporum membra  
certa



certa ascribuntur.

Planetæ singuli, in singulis Signis constituti, quænam membra ex humano corpore obtineant.

Adhæc, quibus partibus tam mûdi, quàm corporis soli, & per se imperitent.

Planetarum amicitia & odia.

Planetis, septem mundi climata subiici.

Planetarum situs & loca in Zodiaco, plerunque efficere vt natorum (etiam eiusdem vteri) mores ac effigies inter se varient: vti etiam rerum aliarum similitudines, ac formæ.

A Saturno quæ studia, quæve morum & ingeniorum agitationes emergant, vbi genesis alicuius potens dominator fuerit, à nullo impeditus, & (vt loquuntur) liber:

A Ioue quæ studia & mores emergant, vbi genesis &c.

A Marte quæ studia & mores emergant, vbi &c.

A Sole quæ studia & mores emergant, vbi &c.

A Venere quæ studia & mores emergant, vbi &c.

A Mercurio quæ studia emergāt, vbi &c.

A Luna quæ studia & mores emergant, vbi &c.

Admonitio in præcedentia.

FINIS.

# ANTONII MIZALDI

Monluciani Planetæ, siue Planetarum Collegium.



OE LI structurâ positâ, Signisque  
relatis

PROPO-  
SITIO.

Per quæ aduersa meant clarissima  
quinque  $\pi\lambda\alpha\nu\eta\tau\omega\nu$

Numina, & ipsa suo cum Phæbo  
Delia: paucis

Nunc demum aggredior simili illustrare colore

Septenos igneis, septenâque corpora, summo

Fœdere suppositum pulchrè moderantia mundum

Vi tacita, radio, motu, luce, atque fluore.

Sed quis tot flammâs, & lumina perferat? heû, quis

Tam longinqua loca illâsis præteruolet alis?

Icarus & Phaethon me terrent: damna duorum

Me renocant: faciuntque aliena pericula cautum.

Hei mihi, deficiunt vires, titubâtque facultas:

Nil solus potero: verum, tua gratia mecum

Si præsens fuerit, constanti pectore sursum

Ascendam, Vranie: comitem te trade roganti:

Te duce cœlestis percurrâ sedulus arceis

Atque tuos omni studio celebrabo Planetas:

Ergo tuum, vatem ne, quæso, despice Diua:

Esse piur, n nosti tractantem sacra, iuuare.

INVO-  
CATIO.

Planetarum descriptio & nomenclatura, ut in  
cœlo resident.

As tronomi Græci natia voce  $\pi\lambda\alpha\nu\eta\tau\alpha\varsigma$

NARRA-  
TIO.

dicunt, quos Latium erroneas non vertit ineptè:

Quòd

Planetarū  
ordo, &  
nomina.

Quòd vario motu ac incerto semper oberrent:  
Hos mihi duntaxat quinos posuisse videntur  
Græcorum Astronomi primi: nam φῶτα decenter  
Et Solem, & Lunam vocitāt: quod lumina signat:  
Chaldæi septem faciunt, totidēque Latini:  
Queis hæc à priscis dant nomina ducta Poetis:  
Saturni, Iouis, & Martis, Solis, Venerisque,  
Necnon Mercurij, post quem venit vltima Luna:  
Si à summo, vt par est, sensim descendis ad imum.

Orbium Planetarum ordo & situs.

OrbesPla  
netarum  
& eorum-  
dē ordo.

**O**Rbeis, Astronomi, septem statuere Planetis  
Ordine quo referam, si summum quæris ab imo:  
In primo niueis Phœbe Latonia bigis  
Fertur: quam sursum præcepit Cyllenius, alis  
Præcurrit validis: suprâ, Cytherea canoras  
Iungit aueis: cui se comitem dat blanda voluptas:  
Quadriugis hanc vectus equis Sol aureus, altè  
Transcendit: rutilo quem Mauors sidere, sursum  
Præcedit: Mauortem, hominūque, Deūque potestas  
Iupiter, æditiore loco prospectat euntem:  
Vltimus excelsa refidet Saturnus in orbe:  
Supra quem Sphæra est, stellis octaua coruscans  
Innumeris: fixas dixit veneranda vetustas:  
De quibus emittam, paucō post tempore, librum:  
Concludens in eis nostrum hoc cœleste theatrum.

Orbium Planetarum περιόρα, & descriptio bre-  
uissima.

**S**ic erronum orbis prisci finxere: quibusdam  
Vt medium haud sit idem cum mundi mole: a  
Impar sit spatium ambitus: atque hinc crassior orbis



# PLAN ET AE.

Illinc tenuior: ac alij sint corpore parui  
 Præ reliquis: se voluentes, intrâque locati  
 Id spatium quo extenditur ambitus orbium ab imo  
 Mundi declinantum: induuntur singula cyclis  
 Sidera, quos Græci dixerunt esse ἐπικύκλους:  
 Hic ubi nunc propius, nunc nobis longius adsunt:  
 Scandunt, descendunt, procedunt antè, retróque:  
 Si quis plura volet, de doctis sedulò libris  
 Illa petat: formido etenim verbosior esse:  
 Ut taceam quòd habent quæ metri respuit vsus.

Planetarum motum in propriis orbibus, motui  
 cœli esse cõtrarium & aduersum: hoc est ab oc-  
 casu, per meridiem ferri ad exortum.

**A**stra Deum obliquo incedunt nitentia motu  
 In cœlum, varijsque petunt hæc infima turbis:  
 Qua, licet ingenti retrorsum semper agantur  
 Nixu: ac opposito trudentur victa repulsi:  
 Non oblita sui tamen, obliquantia currunt  
 Aduersum: tandemq; rotis victricibus acta,  
 Contingunt propriam certo post tempore metam:  
 Queis eadem à terra non est distantia semper:  
 Nec simili cursu, nec eadem parte mouentur:  
 Nonne vides Lunam, ut quarto sese extulit ortu,  
 Finibus hesperijs (ubi nobis est noua semper)  
 Oceano procul esse? dehinc, ubi septima cœlum  
 Illustrat, summo residere in culmine mundi?  
 Eoo donec propeans effulsit Olympo,  
 Plena annis, plena & radiis, atque amula Solis:  
 Recta ex occasu veniendo, ortumq; petendo,  
 Contra vim cœli, proprio perducta labore.

Artificij  
 orbiũ Pla-  
 netarũ de-  
 scriptio  
 breuis.

Planetarũ  
 motus p-  
 prius &  
 naturalis.

Planetas  
 omnes mo-  
 ueri ab oc-  
 casu ad  
 exortum.

Planetarum motus medij, diebus singulis.

**E** Rrantium motus medij sic esse feruntur:  
 Saturni momenta duo: propè, quina Tonantis:  
 Et Martis terdena supra vnum, pauca supersunt:  
 Post, Phœbi, Veneris, Stilbontis, si trabis vnum  
 Sexagena: Diana decem est contenta, tribusque  
 (Si memini) gradibus, queis addito pauca minuta.

Medij mo-  
 tus Plane-  
 tarum.

Planetarum motus veri.

Autoris  
 digressio  
 ingenio-  
 sa, vt in  
 multis.

**D**E tabulis veros motus cognoscere quemque  
 Perciperem: nam vt causa iubet, sic congrua res est:  
 Innumeros numeris numeros numerare, quis (oro)  
 Tentabit Maro, vel numerosus Horatius? hercle,  
 Non bene cum numeris, numeri stant, conueniuntque:  
 Cum nūmis melius: quos si fortuna, Matheseis  
 Exosa, Astronomis pro tot numeris numeraret,  
 His abacus rutilo passim splenderet auro:  
 Proq; situ docto, & numerofo puluere, gemmas  
 Acciperet: sed eam volucre auertere pestem  
 Dij superi, quibus est tantorum cura virorum:  
 Ab sunt fœlices nimium, nimiumq; beati  
 Astronomi illustres, sua si bona sedulo norint:  
 His est scintillans gemmati regia cœli,  
 Noctes atque dies pro summo peruiâ voto:  
 Hic vbi diuitias omneis, escamque, cibumque,  
 Nectar & Ambrosiam, quoties opus esse videtur,  
 Inueniunt toties, sed quorsum hæc? quod feror? aut quo  
 Oblitus rapior? vestigia prima requiro.

Astrono-  
 morūfors,  
 diues &  
 diuina.

Planeta quiuis, quot annis proprio motu suam per-  
 grationē, & curriculū in cœlo & Zodiaco absoluat.

**S** Saturnus, propè, terdenis calum ambulat annis

Lentus,



## PLANETÆ.

Lentus, & in parteis quas liquerat antè, reuertens  
 Mensurat pigris cœlorum Signa quadrigis:  
 Clara Iouis facies, & mundo sidus amicum,  
 Bissenis annis, bisseña recolligit astra  
 Signiferi, latos reuehens mortalibus annos:  
 Bis Cererem recipit messor, bis vinitor vuas,  
 Dum bis sex rutilus perlustrat sidera Maiores:  
 Anno Zodiacum peragrat Sol: cui comes astat  
 Alma Venus, cupidus acuens in pectore curas:  
 Quam simili sequitur passu Cyllenius, omneis  
 Strennuus ad causas, & linguæ promptus ad arma:  
 Terdenas iter assuetum, propè, Cynthia, nocteis,  
 Nocteis atque dies seu mensem, peruigil errat:  
 Dum Solem rursum attingit, noua q̃ incipit esse:  
 Quamquam bis denis propriè, octonisque diebus  
 Signiferum motu proprio percurrere fertur:  
 De quo nos alibi scribemus plura, docentes  
 Historiam criticam pro morbis indice Luna.

Planetarū  
 proprij  
 motus an-  
 nui.

Pulchra  
 de motu  
 Planet.

Planetas per Zodiacum nunc celeri motu ferri,  
 nunc tardo, nunc inter vtrumque medio.

**C**ursus septenis non est æquabilis astris:  
 Nam nunc veloci, nunc tardo, nunc mediocri  
 Incedunt gressu: velut ars demonstrat, & vsus:  
 Causa petenda tibi de libris: nam bene cuncta  
 Hic scribi nequeunt: & amat compendia cœlum.

Planetas  
 nō equali-  
 ter in cœ-  
 lo moueri.

Planetas quandoque progredi, alias regredi,  
 nunc in Austrum, modo in Boream.

**N**ec verò errantumq̃ acies, & sparsa Deorum  
 Agmina, constanti peragunt sua munera motu:  
 Sed nunc prouectis incedunt gressibus: vnum  
 Signorum positum sectando: sæpe retrorsum

Planetarū  
 motus va-  
 rius & du-  
 bius.



*Versa pedem referunt: modò declinantia in Austrum:  
Et modò hyperboream cursu tendentia ad Arcton.  
In medio Sol ipse Deos moderatur, & aquis  
Passibus ingrediens, fluitantia tempora pensat:  
Disponitq; vices rerum, ac terrestria mutat.*

Planetæ masculini & fœminini.

Planetarū  
sexus, vt-  
loquūtur.

**S** *Aturni, Iouis, & Martis, Phœbi quoque stellas,  
Esse mares tradunt: est fœmina Luna, Venusque:  
Anceps Mercurius, Vertūnus factus ad unguem:  
Fœmina fœmineis, maribus mas: quo fit, vt illum  
Perdocti vates describant Hermaphroditum.*

Planetæ fœlices, & infœlices.

Planetæ  
boni &  
mali.

**S** *Vnt infœlices Saturnus, Marsq; Planetæ:  
Iupiter, atque Venus fœlices semper habentur:  
Sol & Luna tibi crebrò mediocria donant:  
Est tamen aspiciens, quàm iunctus Sol mage fœlix:  
Mercurius sequitur socios, nunquam sibi constans:  
Si cum fœlici, malus, infœlixue Planeta,  
(Aut contrà) forti aspectu & valido societur,  
Vel coeat, natura aliquid deponere fertur.*

Planetæ orientales & matutini.

**P** *Hœbum præuertens oriendo, quisque Planeta:  
Omnibus cons, matutinūque vocatur.*

Planetæ occidentales & vespertini.

**T** *E bone Phœbe sequens quiuis de nocte Planeta,  
Hic vespertinus fit nobis, occiduūque.*

Planetæ diurni & nocturni

**Q** *Vi cælo & terris lucem, lumenq; ministrat  
Phœbus,*

## PLANETÆ.

*Phœbus, iure bono conceditur esse diurnus:  
Fuscula nocturnis umbris Latonia gaudet:  
Gaudet nocturnis tenebris Erycina: suumq;  
Gradium trahit hæc nocturna ad gaudia amantem:  
At lucem, currusque Auroræ, & lampada Solis  
Miratus pater altitons, miratus & ipse  
Falcitens Deus, occultas odere tenebras:  
Vnde die exultant, gaudentq; patentibus auris:  
Inter utrumque volat varium Stilbontis, & anceps  
Astrum: quo non est cælo inconstantius ullum.*

Diurni  
Planetæ  
& noctur-  
ni.

Saturni qualitates, elementum, ac humor.

**F***Rigidus & siccus Saturnus traditur esse:  
Cui bilis seruit nigra, ex quo terreus ille est.*

Iouis qualitates, humor, ac elementum.

**I***upiter est calidus, simul humidus, at sine noxa:  
Cui purus sanguis conceditur, ac bonus aer.*

Martis qualitates, humor, & elementum.

**M***ortem Astronomi siccum, calidumq; notarunt:  
Cui rubram bilem tribuerunt: insuper ignem.*

Martem cōuenire cum Sole, & à Venere frenari. Adhæc, quòd omnes Planetæ Soli coniuncti debiles præter Martem, euadant.

**M***Ars à Phæbo non multum discrepat igne:  
Sed premit flammis Veneris: quib; horrida frenat  
Bellæ: quibus galeas, & tela minantia frangit:  
Quæ, quanquam est cælo depressior: est & inermis:  
Ille supernus, habens armorum quidquid in usu est,  
Ac Phæbum medium (cuius feruentia solus  
Lumina complexu non respuit) attamen armis*

Planetarū  
qualitates  
inuiçé à  
se tépera-  
ri.

B iij      Deposi-



# ANT. MIZALDI

*Depositis, hūic se committit, dedit, & omni  
Arte cadens, victus prosternitur: alter a turba  
Errantūm, Solis radios formidat: eorum  
Quòd fraudent vireis, & opus perdebile reddant.*

De Sole, eiusque numine, ac energiea, & quid  
deorsum operetur.

Solis præ-  
stantia &  
dignitas.

**C**oelorum tractus, pelagi, terra, aeris omneis,  
Fons lucis Sol auricomus, Sol igneus ambit:  
Sol qui terrarum flammis opera omnia lustrat:  
Vnde tepor genitalis adest, ac aureus ignis:  
Quo tellusq; fretūmque, & totus concipit orbis:  
Conceptusq; fouet, quibus adsunt omnia nobis:  
Ille idem superūm est princeps, ductorq; choreæ:  
Ad cuius numeros stellæq; mouentur, & orbis  
Agnoscit leges, præscriptaque fœdera seruat:  
Agnoscut auræ imperium, maria alta tremiscunt:  
Hinc Ver purpureum vestit florentia prata:  
Spiceaque hinc campis flauescit messis, & agrum  
Lenitura animum, ac dulcem inductura soporem,  
Distendit vacuas pinguis vindemia cellas:  
Ac glacialis Hyems resolutis ebria curis,  
Ante focum grato solatur frigora Baccho:  
Hāsque viceis pater ille Deūm volūctibus annis  
Ascripsit: quas ipsa, æterno fœdere, seruant  
Cuncta elementa, suos illinc retinentia nexus.

A Solis  
motu an-  
ni tēpsta-  
tes modi-  
ficari.

Solem esse causam potissimam generationis & cor-  
ruptionis eorum quæ annuatim e terra nascuntur.

**F**lamminomus Titan dum bis sex sidera, fulgens  
Continuo peragrat motu, causam generandi,  
Et corrumpendi terræ nascentibus adfert:

*Ascensu*



# PLANETÆ.

*Ascensu recreans, & lapsu singula tristans:  
Præterea accessu gignens, perimēnsque recessu:  
Namque parit sub Ver, Aestate fouet, rapit vno  
Autumno: donec medium Brumæ attigit: adde:  
Quod Phæbo surgente, caput nascentia tollunt:  
Et condunt pariter cū primum mergitur vndis:  
Qui, quia terreno globulo maior perhibetur:  
Hinc illum media, vel eo plus, parte meando  
Illustrat, rutilans vitali lumine semper.*

Solis motū esse causam vitæ & interitus rerum mundi.

Solem vnicum & solum de omnibus Planetis per eclipticam perpetuò incedere, ac nunquam ab ea deuiare: illincque omnia mundi climata, lustrare ac illustrare.

**N**on est auratum Solis calcare meatum  
Diis licitum: non vlla datur vis tanta Planetis  
Vt medio tendant tractu: sed frigida Olympi  
Tecta petunt, Boream versus: vel condita ad Austrum:  
Titan, Signiferum medium rectâ petit: orbem  
Nunc nostrum inuisens, cælo ductore supremo:  
Nunc occultatas adiens sub tartara terras:  
Nulla sit accessu vt tellus, aut orbita mundi,  
Immunis Solis radio, vegetoque calore:  
Nam mundi circumdat opus noctesque, diēsque:  
Assiduos hominum miseratus rite labores.

Solē rectâ per eclipticâ mūdū vniuersum ambire.

Solem interdum terræ proximum esse, nōnunquam remotum. Adhæc Signiferum inæqualiter peragrarē.

**S**ol modò Signiferi sublimis fertur ad arcem:  
Et centro terræ assurgit: qua parte superna  
Orbe suo signat punctum tellure remotum:  
Hic vbi festinat lento, tardoque meatu.

Solē nobis quādoque pro-pinquum quādoque remotum, esse.

*Nunc propiore via terram mensurat ab imo  
Eccentri: repetens Capricorni tecta rigentis:  
Quò dum peruenit, gressum producere pergit:  
Idcirco spatii metitur cœlica iniquis:  
Interdum maiore mora, quod circuit explens:  
Interdum breuiore, velut natura requirit.*

*De Venere, eiusque natura: & quod Solem quā-  
doque præcedat, quandoq; verò sequatur.*

Veneris  
fidus Solē  
nūc præ-  
cedere,  
nunc verò  
sequi.

**P***ost Solem Cytherea suum locat aurea sidus:  
Qua præfulgenteis auro interplexata capillos,  
Aurora è thalamis, radiorumq; æmula Solis,  
Lucem aperit, referatque diem mortalibus agris:  
Interdum rapidis Phœbi deserta quadrigis,  
Euocat oceano noctem surgentibus astris:  
Admonet & placidi per amica silentia somni:  
Verum ita digressusque suos, sua tempora pensat,  
Et sinuosam eam niueis secatur athera pennis,  
Ut Solem petat, ad Solem vestigia flectat:  
Quem, si præcurrit surgentem, Lucifer esse  
Fertur: si sequitur serò, spectatque cadentem,  
Ἐσπερος est Græcis, & vesperrite Latinis.*

*Venerem Solis & Lunæ æmulam, quādoq; ra-  
dios cū luce perspicua iaculari, ac vmbra facere.*

Venerem  
radios p-  
icere, &  
vmbra fa-  
cere.

**V***na Venus ter quindenae ubi sedula sursum  
Signiferi parteis, vel eo plus, usque peregit  
A Sole (eo seu cū nitet aurea mundo,  
Oceanus hesperias seu cū declinat ad vndas)  
Splendorem in tenebris producit, ut æmula Phœbes:  
Atque die radios proiecit, ut æmula Phœbi:  
Hæc decus, hæc ipsa est hominumq; Deumq; voluptas:*

*Qua*



PLANETÆ.

*Qua sine nil iucundum animis, nil dulce putandum:  
Si modò vera docent, qui humano more loquuntur:  
Et Curios simulant, ac Bacchanalia viuunt.*

Veneris qualitates, humor, & elementum.

**H***umidula est Venus in mediocri frigore, quare  
Huic pituita datur, necnon aqua, iure decenti.*

De Mercurio, eiusque natura ac gressu: & quòd  
Solis sit affecla: vespertinus quandoque, nòn un-  
quam matutinus.

**M***ercurius Veneri speciosæ proximus haret:  
Qui propter Solis numen procul ire recusans,  
Nunc matutinus facili temone iugales  
Exagitat: pelagique vagis caput exerit vndis:  
Nunc Athlantiacæ matris memor, Hesperidumque  
Rura videre parans, fuluûmque in frondibus aurum,  
Serus obit, serò flauum lauat aquore crinem:  
Et serò herculeas linquit post terga columnas:  
Sed siue immisis Solem præcurrit habenis,  
Seu sequitur: victusque terit spacia vltima metæ:  
Non ipse ingenteis oras, non liber apertas  
Audet adire vias cœli: titania tantum  
Imperia, & Solis metuens procul esse quadrigis.*

Mercuriū  
Solis esse  
affeclam.

Mercurium quandoque septétrionalem esse &  
nòn unquam meridionalem. Adhæc, cursum ve-  
locissimum habere: ex quo poetis Deorum nū-  
tius esse censetur: cum bonis bonus, & cum ma-  
lis malus.

**I***pse Hermes quandoque citus perreptat ad Austrum:  
Nòn unquam Boream pennis petit arduus: ex quo  
Censetur volucris ferri per sidera cursu:*

Mercuriū  
Deorū es-  
se nūtium.

Nunc



# ANT. MIZALDI.

Nunc Iouis exercens monitus, & mollia iussa:  
 Nunc mentem senioris aui, violentaque Martis  
 Imperia accipiens, commissaque verba capeffens:  
 Hinc pedibus necit pennas: vocemque Deorum  
 Nuntius exequitur, vario mutabilis astro:  
 Namque bonis bonus est, & pravis pessimus: eius  
 Naturam seruans cui se permiscet, & addit.

De Luna, eius schematismis, lumine, ac natura.

Lunã suã  
 lumẽ à So  
 le scẽne-  
 rari.

**V**ltima Luna suos agitat per inania currus:  
 Dux clara in tenebris: sed flamma obnoxia semper  
 Fraterna: cuius radios mendicat, & ore  
 Ora fouet: quantumque ab Apollinis igne recedit,  
 Hòc magis illa suum fundit mortalibus ignem:  
 Cornuta effulgens primum: mox semirepleto  
 Orbiculo: post hæc medium dimensa volumen  
 Signiferi, inflatos vultus, turgentiæque ora  
 Nocte refert: hinc decrescens sub imagine cycli  
 Dimidiũ, falcem lentẽ, sensimq; figurat:  
 Ac fratris repetit prisco de fœdere lectum.

Lunam non posse videri cum est sub radiis Solis:  
 & q̃ variis figuris ac lumine mortalib⁹ imponat.

Lunã dies  
 aliquot  
 sub radiis  
 Solis la-  
 tere.

**L**una latens rutili fulua sub lampade Solis,  
 Non cerni, nosciq; potest, nec promere vultus:  
 Maiori submissa Deo: nec reddere lucem:  
 Donec continuis adnitens motibus, erret  
 Inuia per superos, & noctis opaca profunda:  
 Idq; duos percrebrò dies, treis sæpe, frequenter  
 Quattuor, vt nostris pulchrè, fuscq; probamus  
 Phenomenis, vbi tempestatum signa docemus.  
 Primum ergo Phœbe cornuta, cuspidẽ fulget:

Ignis

## PLANETÆ.

*Ignéis paulatim reparans, & lumine turgens:  
Egregium cœli sidus, visuque decorum:  
Quo humana mentes variè exercentur, & omnes  
Ingenij vires sudant, frustra que laborant:  
Nam Deus omnipotens statuit dum conderet astra,  
Mensura Luna suum ut mutatis orbibus, orbem  
Perlegat: ac semper lucem contermina Phœbo  
Perdat: & inde suo renouato sidere, terras  
Circinet: ac mundo varios sensim offerat arcus.*

Lunam ex se non lucere, ac semper mediam illustrari.

**N**on dubium est, quin Luna nobis splendore fruatur:  
Huncq; sequens Phœbū minuat, fugiensq; reponat:  
Quo premo, nulla dignatur lampade mundum:  
Ast, procul è regione means, tum denique toto  
Ore vomit flammæ, ac pleno corpore fulget:  
Quæ quamquam varias commutat vbique figuras:  
Haudquaquam medio magis, aut minus emicat orbe:  
Nam quando nostros frustrato lumine campos  
Nulla fouet: tum plena, Diis cœloque videtur:  
Dum verò amissos reparando colligit igneis:  
Ac cœlum, & terras æquata fronte salutat:  
Orbe micat medio: dum nullo sidera cornu  
Suspicit: hîc tumido illustrat mortalia vultu:  
Et nullis cœlum radiis, nullo ore tuetur:  
Sic, superis cœloque datur, quod demitur orbi:  
Et contrâ: ut Phœbo fuerit pro tempore visum:  
Cui placidè paret, veluti soror optima fratri.

Quòd Luna semper dimidia illustratur.

Pulchra & notatū digna.

Lunæ motum quandoque tardum esse, quandoque velocem. Adhæc, quòd meridionalis nonnunquam

&

# ANT. MIZ ALDI.

& septentrionalis fiat Luna: sed ita, vt extra Zodiaci latitudinem feratur nusquam.

**C**ynthia saepe pigro procedit languida motu:  
Interdum & celeri glomerat vestigia gressu:  
Per duodena means cœli loca, sed sine lege:

Lunæ motu  
vagu ef  
se, & in-  
cōstantē.

Nam nunc ad Libycas tendit tardissima genteis,  
Sidonios visura duces: dextrâque relinquens  
Solis iter: gelidam nonnunquam transit ad Arcton:  
Liligeros reges, & Gallica regna salutans:  
Sic igitur variè currentibus orbibus acta,  
Signiferi sineis nunquam transcendit: & ipso  
Limite non fertur medio: sed longius errat:  
Ne Phœbi sacrum callem fœdasse notetur.

Lunæ cur proprium lumen tributum non sit: v-  
bi de eius maculis, & opacitate.

**P**ropterea volucris quod fertur Luna meatu:  
Sèque astris sociat gelidis, calidisque frequenter:  
Quorum censetur vireis assumere: mensē  
Quodque suum reparat toties, terrâq; propinquat:  
Aestivi tam saepe premens caua tergora Cancri:  
Tam saepe Aegocœræta petens, tam crebrò recedens  
A nobis, crebrò residens in vertice nostro:  
Aut hinc non longè, vt patitur cœlūque, solūque:  
Si propria nobis fulgeret luce: timenda  
Esset hyems, sauiusque calor, bis mense quotānis:  
Quæis genus humanum, mundi quoque cuncta perirent.  
Quinetiam licet vsque genas, & opaca per ora  
Pallor eat: tamen interior qua cogitur orbis,

Lunā non  
frustra p-  
prio lumi-  
ne carere.

Lunæ ma-  
culæ & o-  
pacitas.

Densa situ magis, & scabra rubigine sordet:  
Ergo, & cū Solem aduersum se agit vndique: & orbē  
Circūplet totum rutilantis lumine Phœbi:

Qua



*Qua squalet parte, atque horret caligine, densas  
Ostentat maculas, nec fallit imagine quemquam.*

Lunæ eclipsis, & quòd bis illā vno mense pati  
possit: non item Sol: vbi de prognosticis sola-  
ris eclipsis nonnulla.

**N**on prius, aut spatio breuioris temporis, orbem  
Abscondet Lucina suum, quàm cornua pleno  
Iunxerit orbe simul: fratris quoque sumpserit igneis  
Oppositos: terra rectè stante inter vtrumque:  
Cuius pullatos vultus, vel tempore mensis  
Bis fieri potuisse, leges: Solémque meando  
Non posse (ob Lunam mediam) sua lumina nobis,  
Ac ipsi mundo subducere (res metuenda)  
Ni peragret cœptum bis ter per Signa rotatum:  
Qui si pallentem in cœlo tum præbeat orbem:  
Vndique venturam pestem, clademq̃, monebit:  
Præterea, superos sparsuros æthere nimbos,  
Humida si fuerint defectus Signa: sed æstum  
Ignea promittunt: ventos leuiora figurant:  
Sic glaciem atque nives frigentia, tempore certo:  
Quæ, quo sint ventura loco, & qua parte, docebunt  
Signa poli, illum aut hunc mundi spectantia tractum.  
At, cùm sub formis hominum latitabit Apollo:  
Humanos ventura lues affligere perget:  
Sub brutis formis, brutorum corpora ladet:  
Ac segetes, fructusque soli, frumenta, pecusque:  
Paucis, quidquid erit, Signi monstrabit imago.  
Sed præstaret in his Ptolemæum audire loquentem:  
Et legere in nostris quæ sunt conscripta Cometis:  
Tantisper proprio dum molior hæc tibi libro.

Nota de  
eclipsi  
Lunæ.

Progno-  
stica sum-  
pta ex so-  
lari eccli-  
psi.

Pulchra,  
& notatu  
digna.

Lunæ

Lunæ octo & viginti mansiones, seu peragrationes, ad præuidendas aeris commotiones summopere necessaria, ex secundo libro nostri Zodiaci petendæ sunt.

A Luna, maris fluxum ac refluxum pendere.

Maria, vt  
humida  
omnia, Lu  
næ serui-  
re.

**C**Um Luna motu Pontum ire, redire videbis:  
Tollere se fundo sensim, sursumque referre  
Turbine præualido fluitantes vndique arenas:  
Necnon & solitas remeando quærere sedes:  
Vsq; adeo simile insequitur quodcumque creatum.  
Ergo, Ponti humor Lunam comitatur euntem:  
Quæ, cum præcípites peragit super acra motus,  
Ac Finitorem pelagi conscendere pergit:  
Hoc ipsum stimulat scandendo increescere secum:  
Contrà, vbi descendit, decreescere: móxque redire.

Per incrementa & decrementa lunaris luminis inferiora hæc moueri, & mutationes subire.

Lumē lu-  
nare in  
hæc infe-  
riora pos-  
se pluri-  
mum.

**L**una suum lumen mutans, hæc infima mutat:  
Motibus exagitans variis Pontum, æra, terram:  
Humida præcipue, pisces, animalia, stirpes,  
Aut aliud, quod lunari de lumine vires  
Induit: hinc factum videas quod corpora multo  
Implentur succo dum Cynthia crescit in igneis:  
Mox vbi decrescit, redduntur inania: testes  
Sunt Cancrī, necnon viuētū queque medullæ:  
Sed varij maris accessus, variiq; recessus  
Hoc verè ostendunt, variisque in collibus herba:  
Necnon fœmineus sexus, nanque hunc bene natum,

Luna



## PLANETÆ.

*Luna vetus veterem, iuuenem noua crebrò repurgat:  
 Quàm multos etiam furis hinc sæpe videmus  
 Vexari? sortemque animo tolerare molesto?  
 Quid quòd materies, viridique è monte recisa  
 Aere trabes, multaque comam turbata ruina  
 Fraxinus, ante diem hinc sensit mala damna senectæ?  
 Exhaustasque situ posuit cum robore vireis?  
 Ergo, senescentem Lunam posthac bene cautus  
 Aspicias: pariter crescentem: denique plenam:  
 Sed satis, & nimium hac fuerint: Concordia nostra  
 Oceani Lunaq; tibi (si fortè requiris)  
 Istarum rerum plenissima plaustra reponet  
 Mensibus hinc paucis, modò Christus cœpta secundet.*

Luna sũ-  
 mè obser-  
 uanda.

Caput & cauda Draconis Lunæ.

*Sunt sursum aduersa gemini se parte secantes  
 Orbes, quos faciunt Solis, Lunaq; meatus:  
 Sectio qua Phœbe gelidas ascendit ad Arctos,  
 Esse caput fertur, veluti altera, cauda Draconis:  
 Quâ Luna imbriferum cursu descendit ad Austrum:  
 Artifices reliqua expedient, quos consule solers.*

Cycli duo  
 lunares.

Planetarum domus.

*Est Aries Martis domus, est & Scorpius acer:  
 Atque Iouis Chiron, geminos cui iungito Pisceis:  
 Saturnus summè Capricorno gaudet, & Vrna:  
 Sic Libram Cytherea tenet, Taurumq; iacentem:  
 Mercurius Geminos, necnon & Virginis astrum  
 Occupat: ut Cancrum Phœbe, Solq; ipse Leonem:  
 Hec aliter nobis, aliòque sub ordine, Libro  
 Zodiaci primo scribuntur: quære libenter:  
 Ne fortasse tibi videar repetendo molestus.*

Domici-  
 lia septem  
 Planeta-  
 rum.

Planetarum



Planetarum exaltationes, & depressiones, seu casus, vt loquuntur, & sublimitates.

**P**er quæ exaltentur nunc demum Signa Planeta  
 Expedio: dictis animum ne subtrabe nostris:  
 Planetas exaltari, & depri-  
 mi. *Libra senem celsa Saturnum sede reponit:*  
*Deinde Iouem Cancer: Capricorni sidera Martem:*  
*Sic Aries Solem: genitricem, Piscis, amorum:*  
*Mercurium Virgo: Taurus, vaga numina Phœbes:*  
*Hæc eadem opposita Signorum parte premuntur.*

Planetarum gaudia.

**I**n certis Signis rutilantes quinque Planeta  
 Gaudent: Mercurius præcepis, in Virgine: Maiors  
 Planetæ in quibus gaudeant Signis. *Inq; Nepa: Saturnus habet sua gaudia, in vno*  
*Vrnigero: Cytherea nitens, in lumine Tauri:*  
*In Chirone Deum atque hominum rex Iupiter almus:*  
*Hic Phœbū & Lunam excludunt: quod sit domus vna*  
*His tantum: causas alias, alibi tibi tradam.*

Planetarum, vti etiam stellarum reliquarum longitudo, & latitudo.

**V**t stellæ in longum à primo distare videntur  
 Lanigeri puncto, sic has Ecliptica monstrat  
 Planetæ australes, & boreales. *Lineola, huc illuc ve in latum inisse vagando.*  
*Si versus Boream, boreales rite feruntur:*  
*Sin Austrum versus, australes iure vocantur:*  
*De libris alias poteris disquirere formas.*

Planetarum, necnon stellarum declinatio ac subleuatio, siue ascensus & descensus.

**D**eclinat sidus cum distat ab Acquidiali:  
 Planetarū declinatio *Siue Noti ad parteis fiat, Boreæ ve rigentis:*  
*A quibus*

## PLANETÆ.

*A quibus ipsa suum capit inclinatio nomen:  
Ex imo ascendit, quod in altum mittit Horizon.*

Planetarum, ac stellarum luminare orbis: ex quibus combustio, oppressio, & ad coniunctionem applicatio elicitur.

**O** Rbes erronum poteris sic noscere: primus  
Phœbi quindenae partes capit, antè retróque:  
Mercurij & Veneris septenas: mox duodenae  
Luna: Saturni atque Iouis (res vera) novenas:  
Octo Manortis, nec plures. Ergo, Planeta  
Qui minùs à Phœbo distabit, quàm numeretur  
Orbis dimidiùm, oppressus dicetur, & vsus:  
Necnon ad coitum appellens: veruntamen istud  
Quod tibi postremum propono, aptare Planetis  
Inter se poteris: velut ars deposcit, & vsus.

Planetarū  
orbis, siue  
vt loquū-  
tur, lux.

Planeta regrediens, directus & stationarius.

**C** Ontra Signorum seriem quicumque Planeta  
Incedit, tardus fertur, regradarius, & fur:  
Sin aliter: velox, necnon directus, vt aiunt:  
Si nil, aut minimùm pergat, tibi stare putetur.

Planetarū  
velocitas  
& tardi-  
tas.

Planeta septentrionalis, meridionalis, ascendens  
& descendens.

**A** D Boream tendens, borealis rite Planeta  
Dicitur: inq̃ Notum pergens australis: & idem  
Ascendens, si summa petit: si fertur ad ima  
Descendens: tibi quod monstrabit ecliptica: formas  
Esse alias scio: quas de doctis excipe libris:  
Nam (vt verè scriptum est) non omnia possumus omnes.

Planetarū  
motus va-  
gi & erra-  
bundi.

C Planeta

Planeta auctus lumine, & diminutus.

**D**Um Sol à stella, vel stella à Sole recedit:  
Doctis Astronomis tunc lumine traditur aucta:  
Cum verò accedit, quidquam de luce remittit.

Planeta (vt stella quæuis alia) propinquus & remotus.

Planetarū  
propin-  
quitas &  
remotio.

**S**Tella tenens partes Boreæ, solet esse propinqua  
Nobis: in q̃ Notum tendens, procul, atque remota:  
Abside si in summa residet, propior fit, & ad nos  
Accedit: longinqua manet, dum perstat in ima:  
Si quæris formas alias, enoluito libros  
Priscorum, Græcos, Chaldaeos, atque Latinos.

Planeta obsessus.

**I**Nter fœlices fuerit quicumque Planeta,  
Aut infœlices, obsessus dicitur esse:  
Vel, quando à binis, multisue includitur astris:  
Nec radios quisquam, vt par est, iaculatur in illum.

Planeta cursu vacuus, vt loquuntur.

Planeta  
languens,  
& destitu-  
tus.

**A**Bfuerit quoties de aspectu quisque Planeta  
A quocumque alio, media vel parte per orbem:  
Hic cursu vacuus sub Signo sit tibi toto.

Planeta peregrinus.

Planeta  
errans.

**S**I quidquam iuris videas non esse Planeta,  
Hic vbi fulgebit, peregrinum dicito verè.

Planeta tardus & velox.

**Q**Vi motum medium non perficit, ille Planeta est  
Tardus: qui superat, velox is dicitur esse.

Planeta



## PLANETÆ.

Planeta ferinus, seu (vt loquuntur) feralis.

**N**ullius radios si admittat, fortè Planeta  
Quo fuerit Signo, censebitur esse ferinus.

Planeta combustus.

**S**i non comparet serò, nec manè Planeta:  
Phœbeis radiis implexus corpore toto:  
Is solet antiquo combustus nomine dici.

Planeta ir-  
radiatus.

Admonitio in superiora.

**O**bsessus, cursu vacuus, gradiensq; retrorsum,  
Combustus, peregrinus, tardus, luce minutus,  
Deinde ferinus erit quacunq; in parte Planeta:  
Viribus afflictis talis tibi iure putetur.

Planetarū  
vires quā-  
do impe-  
ditæ.

Planetarum, vti etiam stellarum reli-  
quarum, exortus triplex.

Cosmicus exortus.

**S**i manè exoritur sidus cum numine Phœbi:  
Matutinus erit, vel (si vis) cosmicus ortus.

Acronychus exortus, seu (vt vulgo loquuntur)  
chronicus.

**O**cciduis fuerit si Sol in finibus, ipsa  
Eoos tractus stella calcante: vel ortus,  
Hic ἀγρόνυχος erit, vel vespertinus ad vnguem.

Heliacus exortus.

**S**i Solis radios quoduis superauerit astrum,  
Sic vt in Aurora se possit reddere nobis:  
Exortum heliacum faciet, cum nomine, tum re.

C ij

Planetarū .

Planetarum, vti etiam stellarum reli-  
quarum, occasus triplex.

Cosmicus occasus.

**S**I stella occiduam, & Sol ortiuam tenet oram:  
Κόσμιχον occasum, & matutinum tibi profert.

Acronychus occasus.

**O**cciduus Solem, & stellam si occultat Horizon:  
Hunc ἀκρονυχον habe occubitū, simul hesperiumq̃.

Heliacus occasus.

**S**I Phœbus stellam radiis obuoluere pergit:  
Quam sub nocturnum tempus spectare licebat:  
Occasu heliaco parat hanc excludere nobis.

Admonitio in præcedentia.

**H**ic te scire velim, quòd sunt formæque, modique  
Sub iam descriptis alijs, ortus, denique lapsus  
Stellarum: quos vnus habet doctus Ptolemaus:  
Sedulò in his, alijsq̃, tibi relegendus: ob id quòd  
Mensuram, ac numeros renuunt, contenta doceri  
Plurima: cum in variis, tum sacra crebrò Mathesi:  
Vnde mihi ignoscas, si cogor omittere multa.

Autoris  
candor &  
modestia

Planetæ cur non scintillent, vt stellæ.

**S**cire cupis cur sola acies immota Deorum  
Cernitur? obtutūque hæret defixa sub vno?  
Cum tot, & ipsa quidem sidentia Signa, micanti  
Scintillent radio: tremulūque intercidat ardor?  
Crede, quòd alta illis regio est, sed èsque repostæ:  
Quò postquam aduenit defesso lumine visus,  
Defessus tremit: vnde etiam tremere ipsa videntur  
Astra: micant radij, quia sursum lumina iacta,

Pulchra  
de stellarū  
scintilla-  
tione.

Et tanta

## PLANETÆ.

*Et tanta lassata via, titubantque, fluuntque:  
At contra, vicina. Deum statio, ardua quamquam  
Prospectu, facilis tamen atque immota tuenti est:  
Quò penetrans, stat certa loco, insistitque videndo  
Nostra acies: fixisq; oculis immobilis h' arer.*

Planetas, ac cœli stellas alias, elementa mutare,  
& cum illis corpora inferiora, nedum nostra.

**N**emo negat Solem & Lunam, cum quinq; Planetis,  
Ac stellis aliis, quæ summo ex æthere fulgent:

*Tellurem, ac liquidas auras, atque æquora Ponti  
Iugiter afficere: & si quando (præsidente motu)  
Mutauere vicem, & sedes liquere priores,  
Mox elementa modis variis agitare deorsum:  
Et quæ ex his constant, necnon & corpora nostra:  
Aspice ut hybernus rapidos ubi flexit in Austrum  
Phœbus equos, nostrumque videt depressior orbem,  
Bruma riget, duratque gelu, spargitque pruina  
Tellurem, & gelida glacie vaga flumina sistit?  
Idem ubi nos Cancro propior spectauit ab alto,  
Vrit agros, torret nemora, & sitientia prata:  
Nec dubium, quin & noctis nitor albida Phœbe,  
Cui maria alta, omnis cui rerum obtemperat humor:  
Quin & Saturni graue sidus, & æquior orbi  
Stella Iouis, quin pulchra Venusq; & Martius ignis,  
Necnon Mercurij varium, & versatile numen,  
Ac reliqua astra etiam mutant elementa, petantque  
Perpetuò, & latè magnos dent vndique motus:  
Præcipuè sedem si quando plurima in vnâ  
Conueniunt: suo vel multum deuia cursu,  
Longè alium tenuere locum labentibus annis:  
Aut iactis radiis sese feriuntque, mouentque*

Vires stel-  
larum i hæc  
inferiora.

Planetas  
elementa,  
& cū his  
tempora  
mutare.



*Sub vario aspectu: de quo nunc scribere pergo.*

Planetarum & stellarum aspectus quid dicatur.

Quid Planetarum aspectus.

**I**psa Planetarum in certis distantia Signis,  
Dicitur aspectus: quo se impediuntque, iuvantque:  
Quod potes & reliquis cœlorum ascribere stellis.

Planetarum aspectus hexagonus, sexangularis  
seu sextilis: cum eius natura.

Natura aspectus hexagoni.

**Q**uando duæ stella sursum distare videntur  
Sexta Signiferi parte: hoc est, per duo Signa:  
Aspectus fertur sexangulus: estq; latentis  
Et fallacis amicitia, ut voluere vetusti:  
Quos à te nolim rideri, sed venerari.

Planetarum aspectus triangularis, siue (ut loquuntur) trinus: cum eius natura.

Aspectus bonus.

**Q**uotquot deprendes distare triciente Planetas,  
Quattuor aut Signis, dic se sociare trigono  
Aspectu, fausto, lato, summeque probato.

Planetarum aspectus quadrangularis, tetragonus,  
& quadratus: cum eius natura.

Aspectus malus.

**S**igniferi quarta si distant parte Planetæ:  
Sive tribus Signis, aspectus dicitur esse  
Quadratus: sub quo latitant mala semina quævis.

Planetarum oppositio, seu aspectus oppositus.

Aspectus malus.

**C**um se Zodiaci media de parte Planetæ  
Spectant: oppositum aspectum faciuntq; mouentq;  
Qui planè malus est, & iniqua sorte paratus:

Stellarum cōgressus & cōiunctio.

Planetarum coniunctio.

**V**no sub Signo, atque gradu occurrere Planetas  
Si quando

## PLANETÆ.

*Si quando obseruas, dic illos mutuo iungi:  
Si minus, Astronomis platica est coniunctio: siue  
Ex solis radiis facta occurratio tantum:  
Si in longum & latum id fiat, coniunctio vera est.*

Admonitio in superiora.

**Q***ua sunt hîc nobis de septem scripta Planetis:  
Ad reliquas cœli stellâs, & sidera, per te  
Aptari poterunt: velut ars desiderat ipsa.*

Hæc sum-  
mè notā-  
da.

Planetarum ac stellarum aliarū magnitudines va-  
rias esse: & cur tam paruo corpore spectentur.

**P***lurima (re vera) sunt cœlis astra minora:  
Sunt aliquot maiora etiam, sed pauca: Planetæ  
Seu sint, siue orbis sublimia sidera summi:  
Quæ passim nobis præclara lampade fulgent:  
Et quibus Astronomi varias fecere figuras:  
Et pinxere amplum diuersis æthera Signis.  
Ex his ergo astris maioribus (ut perhibent qui  
Astra sciunt, utq; eclipsis Phœbeia monstrat  
In qua Luna patet quanto sit corpore, fratris  
Dum subiecta sui speciosum lumen opacat)  
Quædam sunt tanta, ut totam terrâq; marisque  
Excedant molem, ac spacio maiore nitecant:  
Quamuis parua adeo cernantur: propterea quod  
A nobis ad ea accedit distantia longa:  
Quippe aliquid quanto est longinquius, esse videtur  
Tantò etiam minus, & spectantùm lumina fallit:  
Hoc monstrant homines, qui vel stadio procùl à te  
Semoti globuli corpus censentur habere:  
Quod spatium, quid cum longinquo culmine cœli  
Non dicam rationis habet, sed temporis acti?*

Stellarum  
corpora  
nedū Pla-  
netarū es-  
se variæ  
magnitu-  
dinis.

Multa a-  
stra esse  
terra ma-  
iora: et  
cur tā par-  
ua cernā-  
tur.



Planetas alios aliis contrarios esse : quod etiam in reliquis stellis locum habet, ad rerum mundi con-  
temperationem.

**S** Inescis, sunt astra astris contraria sursum:  
Oppositaq; faces facibus: quis deneget illud,  
Cum nihil in toto spectetur vivere mundo,  
Quod sibi non habeat passim contraria multa?  
Sic nisi blanda Venus (Diuūque, hominūq; voluptas)  
Frenaret candore suo discrimina Martis:  
Nunquam parta quies, nusquam fera pralia deessent:  
Rursum: Saturno ni obstaret Iupiter, ille  
Mox horrore suo terras disperderet omneis:  
De stellis poterit similis sententia ferri:  
Quod scriptum volui, ne sim verbosior aequo:  
Quamquam hac de nostro dabitur tibi noscere libro,  
Qui Vraniam Aesculapio priscorum more maritat.

Cōtrario-  
rū in mū-  
do plena  
esse omnia.

Hic liber  
prodiit nu-  
per.

Planetas, vti etiam stellas reliquas, formis, luce, & corpore inter se differre: quamquam eiusdem sint (vt ita loquar) materiae: sed quæ nullam corruptionem agnoscat.

**C**œlicolas formis sursum differre videbis:  
Maioresque aliis aliis: orbesque nec vni  
Assimiles: splendore pares nec reddere lucas:  
Materies tamen est eadem, subiectaque nulli:  
(Ni regi cœli summo, sancto, atque potenti)  
Non ignis, statūsque leuis, non terra, nec aer,  
Oceanusve pater, ius vllum seruat in alto:  
Stellarum cœtus sacer est: compactus & vna  
Re eximia, stabili, ac mira: vnde nihil manet illis  
Quod mutare queat tantillum sidera cœli:  
Vt doceo, Astronomis Medicos dum fœdere iungo.

Cœlestia  
corpora  
corruptio  
ni obno-  
xia nō esse

Planetas,



## PLANETÆ.

Planetæ, vti etiam reliquas stellas, sub variis coloribus deorsum apparere: & quòd (secundum nōnullos) à Sole luceant, ac splendeant.

**S**unt varia stellis facies, variaque colorum  
Effigies: pallent quadam, fulgētque corusco  
Lumine nonnullæ: sunt ignea sidera Maris:  
Clara Iouis, Veneris pellucida, & aurea Phœbi:  
Mercurij varia: & Saturni liuida, necnon  
Astri nocturni, & Lunar, suscula: verum  
Quotquot sunt, Solis radio fulgere, quibusdam  
Est visum: vel ob id quòd Titan lumen ubique  
(Cuius censetur fons admirabilis) afflat:  
Quo cuncta in cælo, terris, Pontoque fruuntur:  
Ac vitam accipiunt, veluti monstrauius antè:  
Si quis plura volet, scriptas legat aeris ille  
Nuper Ephemerides nobis, hîc grata videbit.

Planetarū  
colores.

Solis ener-  
geia & ma-  
iestas.

Aliter de Planetarum coloribus, quos rebus inferioribus, nedum solis nubibus appingere plærumque solent.

**H**os septem stellis prisce posuere colores:  
Quos vt corporibus, sic induunt nubibus: aiunt  
In primis niueo celerem gaudere Dianam,  
Saturnum fusco, Martem rufo, Veneremque  
Ceruleo, Phœbum rutilo, Stilbonta remixto,  
Aureoloque Iouem, narrabunt cætera libri.

Aerij Pla-  
netarum  
colores.

Planetæ quibus humanorum corporum spiritus ascribuntur.

**P**hæbo debetur vitalis spiritus: atque  
Lunæ animalis: habet diuinus Iupiter vnum  
Naturalem: ô ter magnos regēsque, ducēsque

Tres cor-  
porū facul-  
tates trib⁹  
Planetis  
ascriptæ.

Ter ma-

# ANT. MIZALDI

*Ter magnis rebus præfectos, & pretiosos?*

Planetæ quibus certa humanorum corporum  
membra tribuuntur.

**C**orporis è rebus sunt hæc commissa Planetis:  
Cor Phæbo, cerebrum Luna, Venerique pudenda:

Quæ mem-  
bra corpo-  
ris Plane-  
tæ aspici-  
ant.

*Et splen Saturno, Marti fel, Cunctipotentii  
Hepar: Mercurio, doctrinæ lingua magistra.  
Vis alias parteis? percurras sedulo nostram  
Corporis & cæli Harmoniam, legisse iuuabit.*

Planetæ quid ex rebus corporis obtineant in  
singulis Zodiaci Signis constituti: & primum in  
Ariete.

Hæc ob-  
seruēt, vt  
superiora,  
ιατρομαθη-  
ματικοί.

**S**aturni est pectus, venter Iouis, & caput altum  
Martis: sed Phæbi sunt scæmina: deinde Diones  
Quidquid inest pedibus: Stilbon sibi crura reposcit:  
Et collum Diana: velim te cætera nosse  
De doctis: simul & quæ soli membra Planetæ  
Agnoscant: & quid mundi videantque, regantque:  
Nam (sicut dixi) sua sunt compendia cælis:  
Nec quocunque loco bene possunt omnia scribi.

Planetarum amicitiae & odia inter se.

Amici Pla-  
netæ &  
inimici.

**S**aturnum redamant Sol, Iupiter, & vaga Luna:  
Deinde Iouem cuncti, si Martem exceperis vnum:  
Qui Veneri est charus, reliquis exosus, & ipsi  
In primis Phæbo, necnon & Cunctipotentii:  
Solis dilecti sunt Iupiter, & Venus alma:  
Cui ridet omnes superi, modo Falcifer absit:  
Iupiter, atque Venus, necnon Saturnus, amantur  
Mercurio, pariter Luna: tu sic inimicos,  
Opposito discerne modo, ne sim tibi longus.

Plane



## PLANETÆ.

Planetis, septem mundi climata subiici, ac feruire.

**C**limata duntaxat septem fecere vetusti:  
 Ac totidem positis sursum ascribere Planetis:  
 Saturno primum: inde Ioui, pro sede, secundum:  
 Tertium habet Maiores, Sol quartum: denique quintum  
 Alma Venus: sextum Hermes: Phæbe, quod venit ultra:  
 Quales censebis naturas esse πλανήτων,  
 Tales fac homines qui climata dicta tenebunt.

Planetarū  
 climata, &  
 mūdi par-  
 tes.

Planetarum situs, & loca in Zodiaco, plerunque  
 efficere ut natorum etiam eiusdem vteri, mores  
 ac effigies inter se variant: uti etiam rerum a-  
 liarum naturæ, formæ, ac similitudines.

**V**sque adeo cœlique situs, & sidera, & ipsi  
 Dij variant, ac Signa quibus sua plaustra reuoluunt:  
 Ut nati sub eis varii sint: crebro colore:  
 Nonnunquam effigie: nunc filo corporis: hinc tu  
 Cernas dissimiles multum prolesque, patrêque:  
 Hinc matri sua nata, hinc vno e germine creti  
 Longè absint: sic neptis auo, soror ipsa sorori:  
 Quinetiam variant mores: & pectora sensus  
 Diuersos agitant: cœlo id faciente, quod vnum  
 Horis nascentium vultus non semper eosdem,  
 Inq̃ locis iisdem conuertit: sedulo præbens  
 Sub quocunque voles momento temporis, atque  
 Orbis terrarum quacunque in parte, sitūque,  
 Innumeras stellas, & formas, atque figuras:  
 Quas passim referunt terrena animalia, necnon  
 Herbarum genus omne vivens, hominêsque, feraq̃,  
 Arborea frondes, & squamea terga natantum:  
 Nam quod inest terris cœlo descendit ab alto:  
 Quamquam aliquid studiis, generi, patriaq̃, soloque,  
 Concessum

Planetas  
 & stellas  
 variè cor-  
 pora affi-  
 cere.

Pulchra  
 & nota-  
 tu dignis-  
 sima.



*Concessum cupio: ne tradere singula cælo,  
Ac stellis videar, periniqua lege, modòque.*

A Saturno quæ studia, quæve morum & ingeniorum agitationes plurimùm emergant: vbi genesis alicuius potens dominator fuerit.

**E** *St qui animi secreta alto sub pectore condit,  
Consilio grauis: & casus timet vsque futuros:  
Et parcit nūmis, oblata negocia differt:  
Ac motus tristes, & saeuas sustinet iras  
Cunctator: quoniam Saturni hoc imperat astrum  
Natalis cæli princeps, præstansque, potensque:  
Cui tunc est animi fingendi facta potestas.*

Saturnino  
rū pictura.

A Ioue quæ studia & mores, plurimùm emergant, vbi genesis &c.

**I** *Vpiter emittit fœlici sidere partum:  
Cui recti est studium, ac animi præstantia magni:  
Insper, & precium famæ, ac certamen honoris:  
Quique opibus socios, fidôsque acquirat amicos:  
Qui sit agri diues, pecorisque, & coninge fœlix:  
Ingenio clarus, facilisque in rebus agendis:  
Et qui nonnunquam precibus pia numina placet:  
Notus amicitis, ac pulchro corpore gratus:  
Et cui pro votis succedant omnia semper.*

Iouialium  
pictura.

A Marte quæ studia, & mores plurimùm emergant: vbi genesis alicuius &c.

**S** *I Diuos testis aliquis, iuratâque verba  
Posthabet, ac fidei violat venerabile numen:  
Inmitis, promptusque manu, violentus, & exlex:  
Cui fraus, insidiaque placent & verbera, necnon  
Cædes, ac iræ, periuria, iurgia, lites:*

Martialiū  
pictura.

## PLANETÆ.

*Martius hic tibi sit, valde fugiendus vbique.*

A Sole quæ studia, & mores plurimùm emergant: vbi genesis alicuius &c.

**N**Obilitat sub se genitum præstantibus ausis  
Cynthia: & summè generoso corde superbum  
Inuitat studio imperii, atque extollit in altum:  
Audacémque facit dicendo, & recta monendo:  
Necnon maiestate grauem: sed qui sua plebi  
Describat iura, ac populo dominetur & vrbi.

Solarium  
pictura.

A Venere quæ studia & mores plurimùm emergant: vbi genesis alicuius &c.

**S**Vnt quos exornat Veneris decor, ac bene notos  
Non dicam vultu, sed cultu reddit vbique:  
His amor, his studium formæ est, citharæq; sonantis:  
His choreæ, cantúsque placent, pexúsque capillus:  
Excultique sinus, speculum, fucúsque, liquorque:  
Et gemma, & niueo suspensa monilia collo:  
Munditiæq; iocique, & quidquid blanda voluptas  
Profert: cum lauta mensa, sermonibus vsque  
Festiuis condita suis, salibúsque, modísque  
Omnibus: hos sequitur florum studium, sequiturque  
Ridens hortorum cultus per mille figuras:  
Hic vbi pulchra Venus dulcis inspirat amores:  
Ac mille ex oculis vrentis excitat igneis:  
Oscula libando, & mellitum afflando venenum.

Veneræ  
rum pi-  
ctura.

A Mercurio quæ studia & mores plurimùm emergant vbi genesis alicuius, &c.

**C**Vi genitus Maia nascenti præsidet, ille  
Scitatur rerum causas, & quæritat artis  
Non cuius notas: facundæque verba disertus

Mercuria-  
lium pi-  
ctura.

Depromit:



Depromit: veterum exponens monimenta virorum:  
 Hic responsa Deum solers, arcanâque cuncta  
 Natura ac cæli, summo, vigilique labore  
 Rimatur: verbisque modos, & carmina nervis  
 Iungit: vel precio captus fora crebro frequentat:  
 Aut arteis, & scripta docet præclara Sophorum:  
 Ac operam impendit linguis virtute magistra:  
 Auriculas doctus mordaci radere vero:  
 Et quandoque homines naso suspendere adunco:  
 Paucis, quod præstat labor, & vigilantia summa,  
 Hoc sibi Mercurii partus conquirere nouit:  
 Felix, & nimium fœlix, minimumque beatus,  
 Si dare se comitem regina pecunia vellet:  
 Doctrinas exosa bonas: quapropter ubique  
 Pauperibus nubunt, quod sint sine dote relictæ.

Fœlices  
 esse dextro  
 Mercurio  
 natos.

A Luna quæ studia & mores plurimum emer-  
 gant: vbi genesis alicuius gubernacula, fortis  
 ac potens tenuerit.

Lunariū  
 pictura.

**E** Mittit populo acceptos Latonia Phœbe:  
 Quosque probat fauor, & cōmunis gratia plebis:  
 Necnon dexteritas promptissima rebus agendis:  
 Garrulitas tamen est illis germana, vagumque  
 Ingenium, inconstans, subitum, leue, mobile, vanum,  
 Inq̃, dies varium: necnon versatile pectus  
 Tam sæpe, & subito, quàm sese Cynthia mutat.

Admonitio in præcedentia, annexam habens  
 conclusionem.

**H**Os mores animis nascentium sidera septem  
 Per se afflant: sed longè alios commixta reponunt:  
 Quod te nosse velim: pariterque expendere, recto  
 Iudicio,



## PLANETÆ.

*Iudicio, stellas alias, cælum quoque totum  
Quod natale vocant: dominos Signique, locique  
Præcipuos: quidnam iuuet, aduersetur & hospes:  
Ac quibus in domibus dominetur quisque Planeta:  
Cætera sunt artis, quam non suscepimus hocce  
Enarrare libro: dabitur fortasse voluntas  
Hæc nobis aliàs: si gratam dixeris esse  
Hanc tibi sementem magno sudore paratam.  
Sed monitu Vrania præsentem claudere librum  
Compellor: iubeorque fores aperire sequenti:  
In quo stellatas cælorum pingo figuras:  
Atque meum tandem claudio hoc cæleste theatrum.*

Multa pre-  
muntur a-  
pud auto-  
ré, quæ vo-  
lente dño  
aliquādo  
lucē vide-  
bunt.

FINIS PLANETARVM

Antonij Mizaldi Mon-  
luciani.



Ob. 6. II. 3319

